



# მენორა

გამოდის 1993 წლის მარტიდან  
2000 წლის მარტიდან გამოდის თვეში ორჯერ  
გაზეთის ელექტრონული ვერსია ინტერნეტში:  
WWW.opentext.ge/menora

ებრაული გაზეთი საქართველოში	<b>“מנורה”</b> <b>עיתון יהודי</b> <b>בגורגיה</b>	“МЕНОРА” ЕВРЕЙСКАЯ ГАЗЕТА В ГРУЗИИ
--------------------------------	--	--

აბონსტო (აბი) 1-30 №15-16 (280) (5768 წელი) 2008 წელი ფასი 50 თეთრი
---

# מנורה

საქართველოს ებრაული თემა, როგორც შექაღწეული ნაწილი ქართულ მიწაზე დამკვიდრებული სხვადასხვა კონფესიის, ისტორიის მქონე მოსახლეობისა, შექმნილია იმ სისხლისღვრით, ნგრევით, რომელიც ქართველ ხალხს მოახვიეს თავს და ღრმა საძიძარს უცხადებს რუსეთ-საქართველოს სამამულო ომში დაღუპული ყოველი ჯარისკაცის, კერძო თაყვანისმცემისა და მოკლული ყოველი სამოქალაქო პირის თაყვანებს.

რედაქციაში რეკავენ, მოდის არა ერთი წერილი: საქართველოს დიდ თანაგრძნობას უცხადებს ისრაელში რეპარირებული, მსოფლიოს სხვადასხვა კუთხეში მცხოვრები ქართველი ებრაელობა. ისინი მონაწილეობენ საბროტესტო აქციებში.

საქართველოს ებრაელობა ეკვრება ღმერთს, რომ ამ ძრავალჭინხანულ მიწაზე ძაღვ დაისადგუროს მშვიდობამ. ამინ!



# ყუმბარა და ხსოვნა


დღეს ებრაული წელთაღრიცხვის 5768-ე წლის 9 აბია. ებრაელი ერის ისტორიაში გლოვის დღე – ნაბუქოდონოსორმა სწორედ ამ დღეს დაანგრია იერუსალიმის ტაძარი. 400 წლის შემდეგ რომაელმა მხედარმთავარმა ტიტუსმა იგივე ქმნა ისევ 9 აბის დღეს – დაანგრია მეორე ტაძარი.

გრეგორიანული წელთაღრიცხვით, დღეს საქართველოში 2008 წლის 10 აგვისტო დგას. ეს დღე ჯერ არ დამთავრებულა, ნაშუადღევია, მაგრამ ამ დღემ უკვე დაიმკვიდრა ადგილი საქართველოს ისტორიაში – უმძიმესი დღე საქართველოს უახლოესი ისტორიისა – დღეს შეეცადნენ დაემსხვრიათ სახელმწიფოს გამთლიანების რწმენის კედელი.

ტადრების დაცემის ამ მძიმე დღეს ქართველი ებრაელობა მარხულობს და სასაფლაოზე იყრის თავს. ადამიანებს, რომლებსაც თვეობით ვერ ნახულობ, ნახავ აქ – თბილისის ებრაულ სასაფლაოზე – მოდიან თავთავიანი მშობლების, შვილების, (!) ძმების, დების საფლავებთან, მოდიან მეგობრების საფლავებთან – ზოგად ეროვნულს, საზოგადოს პირადულს უკავშირებენ, საქვეყნოს პირადულთან აერთიანებენ. ამით ხანგრძლივდება ხსოვნა, ხსოვნა კი აძლიერებს, აცხოველებს რწმენას. დედაჩემის საფლავის მონახულების შემდეგ, მეც გიგლას საფლავთან მივედი, ხუხაშვილის – ამ ჩინებული პოეტის, დრამატურგის საფლავთან. ხახამ დავითს გერშონ (გიგლა) ბენ მიხაელის და მისი ძის – დავით ბენ გერშონის სული მოვახსენიებინე. რა ბედნიერია გიგლა, საქართველოს ამ მძიმე დღეს, რწმენის კედლის ხელყოფას რომ ვერ შეესწრო! მე ხომ ვიცი, ამ დღემდე რომც მოსულიყო, როგორი ღამე ექნებოდა!

დღეს ქართველი დედები ცხინვალთან, ქვეყნის გამთლიანებისათვის ბრძოლაში დაცემულ შვილებს გლოვობენ.

მძიმეა გლოვა ბრძოლაში დაცემული შვილისა, მაგრამ არანაკლებ მძიმეა იმედის გარ-



დაცვალება – მაშ, ასე ნაადრევად რილასთვის დახუჭა თვალები შენმა ძუძუმწოვარმა, ტანჯვა-ვაებით გამოზრდილმა – დღეს საქართველოს იმედი დაუბომბეს – სახელმწიფოებრივი გაერთიანების იმედი. ორთავიანი არწივი თავს იმისთვის დაგვტრიალებდა, რომ ეს იმედი ნამსხვრევებად ექცია, მაგრამ არწივს ფრთები შეეტრუსა, იმედი კი კვლავაც ცოცხალია.

იბრძვის ხალხი, სისხლს ღვრის, რათა შეინარჩუნოს ღვთის მიერ მისთვის ბოძებული მინა-წყალი.

ალარსად აღარ არის მშვიდი ნავსაყუდარი!

განსაკუთრებით უჭირთ ძველ, დიდი ისტორიის მქონე ერებს – ედავებიან სამშობლოს.

იქ — „ჰამასი“, ახმადინეჯა-

დი, „ჰიზბალა“. აქ — ორთავიანი არწივი ისე გეძგერება თვალების ამოსაკორტნად, თითქოს ღვთის მიერ მისთვის ბოძებულ მინას შენ ჯიჯგნიდე.

თბილისის ებრაულ სასაფლაოზე კი მოდიან და მოდიან ადამიანები, თავიანთი მიცვალებულების სულის მოხსენიება ყოველი მათგანის წმინდა მოვალეობაა. ხალხი ბევრია, მაგრამ ცხადია, იმდენი არა, რამდენიც თუნდაც ამ სამიოდე წლის წინათ იყო, ომიანობამ დააფრთხო? გორის, სენაკის, ზუგდიდის, ფოთის, თბილისის ზღვის დაბომბვამ? არა, უბრალოდ, საქართველოში თანდათან მცირდება ებრაელობის რიცხვი. 10-15 წლის შემდეგ ალბათ, საქართველოში

ებრაელი სანთლით საძებარი იქნება, მხოლოდ მეხსიერებას შემორჩება: საქართველო იყო ის სავანე, რომელშიც ებრაელობა ნორმალურ ცხოვრებას ეწეოდა. მაგრამ რამდენ თაობას გაჰყვება ეს ხსოვნა? ორს? სამს?

სასაფლაოდან მობრუნებული ვხედავ პარლამენტის წინ როგორ იყრიან თავს უსახლკაროდ დარჩენილი გორელები, სამშობლო ეზო-კარით, საკუთარი ჭერით იწყება. ამ ადამიანებს გუშინ ყველაფერი დაუნგრია ორთავიანმა არწივმა.

საოცარია: იმ თვითმფრინავის ირგვლივ, რომელიც ჩემი ქალაქის – სენაკის თავზე ბომბებს ყრიდა, ორი ფრინველი დაფრინავდა. რატომ, რისთვის დასტრიალებდნენ თავს ეს ფრინველი ამ

თვითმფრინავს? იქნებ, ენადათ შეეცახნათ: ნუ ჩამოვადებ, ნუ დახოცავ, გაეცალე ცოდვას! კი, ასე იყო — ხმები ისმოდა — მოაჯე ფრინველთა ხმები, მაგრამ ბომბები ცვიოდა, ბომბები ქვევით, ჩემი ქუჩებისაკენ, ესოდენ ნაცნობი, ახლობელი სახლებისაკენ, ადამიანებისაკენ ეშვებოდნენ და თანდათან ფრინველებზე უფრო პატარად მოსჩანან.

გაუძლებს კი ეს პატარა ქვეყანა ამდენ ოხვრა-ვაებას? ეყოფა კი საიმისო ძალა, რომ კვლავაც შესძახოს:

— აქა ვარ და მაგრად ვდგე-ვარ!

მაგრამ... კაცი, რომელსაც ჭირ-ვარამი არ მისდგომია, მოუხელელ ცომსა ჰგავს. მოუხელელი ცომი კი...

უნდა გაუძლოს, რათა თავის დროზე წინაპართან მისულმა თქვას:

— აი, მეც ვსტუმრობდი ნუთისოფელს, ჭირ-ვარამი, ჯაფა ბევრი ვნახე, მაინც სიმღერით გავეცალე მაგ დაუნდობელ მზეთუნახავს.

არც ებრაელი მოიშლიან 9 აბის – იერუსალიმის პირველი და მეორე ტაძრის დაქვევის დღეს წინაპართა საფლავების მონახულებას.

9 აბის – გლოვის დღეს ბევრი ადამიანი მივიდა ცნობილი ქართველი ებრაელი ბიზნესმენისა და ქველმოქმედის — ბადრი პატარკაციშვილის საფლავთან, რომელიც მისსავე რეზიდენციაში — „არკადიაში“ მდებარეობს. აქ მოდიოდნენ რაბინები, ბ. პატარკაციშვილის მეგობრები, ნაცნობ-ამხანაგები, ებრაული თემის წევრები.

საქართველოს მინაზე კვლავაც აგრესორი დააბიჯებს, რამდენიმე ქალაქი კვლავაც მტრის ხელშია.

მაგრამ არასოდეს არაფერი არ არის დაკარგული – 2600 წლის წინათ დანგრეული ტაძარი თანამედროვე ისრაელის სახით აღსდგა.


მთავარია სული იყოს უტეხი და გვახსოვდეს:

ხსოვნა ათასგზის ძლიერია, ვიდრე ყუმბარა!

## სამაგულო ომი საქართველოში



# სამაგურო ომი საქართველოში



# „ჯოინთის“ დიდებული გადაწყვეტილება — იხსნაკ ავერბუხი თბილისის ებრაულ სახლს ხსნის



15 აგვისტოს თბილისის ებრაულ სახლში „ჯოინთის“ კანტრი დირექტორი, სათავო ოფისის რამდენიმე რეგიონის ხელმძღვანელი იცხაკ ავერბუხი. მას კარგად იცნობენ ებრაულ სამყაროში, აქვს დღის ქვეყნებში მუშაობის დიდი გამოცდილება. იცხაკ ავერბუხმა თავადვე წარუდგინა თავი ებრაული სახლის დირექტორთა საბჭოს:

— მე გახლავართ იცხაკ ავერბუხი. ამას წინათ „ჯოინთში“ ბევრი ცვლილება მოხდა. მე დავინიშნე რამდენიმე რეგიონის ხელმძღვანელად, მათ შორისაა კავკასიის რეგიონი. ჩემთვის ცნობილია ის მიზეზები, რისთვისაც ებრაული სახლი დაიხურა. ეს იყო გამოწვეული შექმნილი გარემოებით და ეს გარემოება ამართლებდა გადაწყვეტილებას. მე ჩემს თავზე ვიღებ ვალდებულებას და ვაცხადებ, რომ

ებრაულ სახლს ვხსნით (ტაში!) ნუ იფიქრებთ, რომ სახლის გახსნა რაიმე გარემოებამ გვადიქტოვებს, ან ვინმემ შეგვაშინა, არა, ეს მიუღებელია... უბრალოდ, შეიცვალა სიტუაცია და ჩვენ სახლს ვხსნით. ახლა ბევრი საქმე გვაქვს, აქამდე არსებულ ვითარებას დაემატა ის, რომ გორიდან ბევრი ებრაელი ლტოლვილი, ეს სახლი მათთვისაც უნდა გახდეს თბილი კერა. მათაც ასევე უნდა შეეძლოს აქ მოსვლა.

— სახლი დღეიდან იხსნება?  
**ი. ავერბუხი:** სახლი დღეიდან იხსნება, მხოლოდ საჭიროა ყველაფერი კარგად დაგეგმვით. დავსხდებით და დავგეგმავთ. ჩვენ აქ ვლადიკავკასიიდან ჩამოვდით. იქ ცხინვალის მივიღეთ 13 ებრაელი, კიდევ ხუთი ებრაელი ნათესავეებთან მოეწყო, იმ ცამეტს ჩვენ ვეზმარებით.

**რ. შათაშვილი** („ხესედ ელიაჰუს“ დირექტორი): დიდი მადლობა იმისათვის, რომ სახლს ხსნით, ჩვენ ძალიან ბევრი სამუშაო გვაქვს, გუშინ 50 ადამიანს ოჯახში მოვიტანეთ სადილი და ისინი ბედნიერები იყვნენ. გვაქვს გამოცდილება, გვაქვს ენერჯია, მუშაობის სურვილი და ჩვენს

მოვალეობას შევასრულებთ.

**გ. ბათიაშვილი** (გაზეთ „მენორას“ რედაქტორი): მინდა მივესალმო თქვენს ჩამოსვლას და დიდი მადლობა გადაგიხადოთ ებრაული სახლის გახსნისათვის, ეს გონივრული გადაწყვეტილებაა. თქვენ მიგაჩნიათ, რომ იმ შექმნილ სიტუაციაში სახლის დახურვა გამართლებული გახლდათ, არ შემიძლია არ აღვნიშნო, რომ „ჯოინთმა“, რომელიც საქართველოში ბევრი კარგი საქმე გააკეთა, სახლის დახურვით, დიდი შეცდომა დაუშვა და ამით კითხვის ნიშნის ქვეშ დააყენა მანამდე შექმნილი იმიჯი საქართველოში.

**ი. ავერბუხი:** მე დარწმუნებული ვარ, რომ ებრაული სახლის დახურვა ობიექტური მიზეზებით გახლდათ გამოწვეული — არსებობდა სერიოზული საფრთხე ტერორისტული აქტის მოწყობისა. დღეს კი ჩვენ ყველანი ერთად შევეცადეთ, რომ ის კითხვის ნიშანი გავასწოროთ, ძახილის ნიშნად გადავაქციოთ. ამ რეგიონს, ასე თუ ისე, ვიცნობ. ვიცნობ თქვენს შორის რამდენიმე ადამიანს ერთობლივი მუშაობით და გამოვთქვამთ იმედს, რომ კარგად ვიმუშავეთ.

ადამიანები ერთმანეთს ულოცავდნენ ებრაული სახლის გახსნის გადაწყვეტილებას.

## „ჯოინთი“ კვლავ ჩვენს გვერდითაა

როგორც ჩვენმა მკითხველმა იცის, თბილისის ებრაულ სახლში არ მოქმედებდა სასადილო, რომელიც უქონელთ, მზრუნველობას მოკლებულთ აპურებდა.

როგორც „ხესედ ელიაჰუს“ დირექტორმა რევაზ შათაშვილმა გვაუწყა, 14 აგვისტოს ჯერ კიდევ ებრაული სახლის გახსნამდე ამოქმედდა სასადილო. „ხესედი“ ყოველდღიურად ცხელ სადილს გაუგზავნის (ჯერჯერობით!) 50 შეზღუდული შესაძლებლობების, ავადმყოფ ებრაელს, რომელსაც არ ძალუძს სახლიდან გამოსვლა.

„ჯოინთის“ მობილური ჯგუფი, რომელიც ამ მიმე დღეებში საქართველოში ჩამოვიდა, ახლა დაკავებულია იმით, თუ როგორ შეუმსუბუქოს ყოფა ლტოლვილ ებრაელებს. ამიტომ გორელ ებრაელთა მეტ ნილს დღეს სწორედ ებრაულ სახლში ნახავთ.

„ჯოინთის“ კანტრი დირექტორი **იცხაკ ავერბუხი** ამბობს:

— თბილისის ებრაული სახლის გახსნის ერთ-ერთი მიზეზი ისიც არის, რომ მივეწვევით გორის და სხვა

რაიონების ებრაელებს.

18 აგვისტოს „ხესედ ელიაჰუმ“ ფართოდ გაულო კარი ადამიანებს.

„ხესედ ელიაჰუს“ დირექტორი **რ. შათაშვილი** ამბობს:

— დღეს სასადილოში ცხელი კერძი მიიღო 130 ადამიანი, 25 ადამიანი სასადილო დარბაზში ისადილა, 10 ოჯახს კი შინ გაუგზავნეთ სადილები. გორიდან ლტოლვილებმა დღეს მიიღეს დახმარების მთელი პაკეტი.

— რა შედიოდა ამ პაკეტში?

— სხვადასხვა სახის წამლები, სასურსათო ამათი დაკომპლექტებული გახლდათ შემდეგნაირად: 2 ლიტრი ზეთი, 3 კგ. შაქარი, 2 კგ. ნიწიურა, 2 კგ. ბრინჯი, კონსერვები (ორი სახის) შედედებული რძე, ჩაი, ჰერკულესი, 2 კგ. მაკარონი, 2 კგ. ფქვილი, ყავა, წვენი, სოკო, საწოლის თეთრეული 2 კომპლექტი, 2 პირსახოცი, ჰიგიენური ნაკრები.

— ეს ყველაფერი ოჯახზე გაიცა?

— არა, ეს ყველაფერი გაიცა თითო სულ ლტოლვილზე.





მე-7 გვერდიდან

# აკავი

3. მოგვემ ნაყოფს საშოსას (არ მოეშლება მუცელი და შვილები მშობლების სიცოცხლეში არ დაიღუპებიან).

4. მოგვემ ღვინოს, ზეთს, ხარებს გაგიმრავლებთ. თქვენ დაგლოცავენ სხვა ხალხები: ყველა აღიარებს, რომ თქვენ გააჩენის რჩეულნი ხართ და გიძღვნიან ქება-დიდებას.

მაგრამ კურთხევა იმაზე, რომ

არ იქნებიან უნაყოფო მამაკაცები და ქალები, უნდა გავიგოთ ლოცვების შესახებაც, რომ ისინი არ იქნება უნაყოფო და არავენ იქნება თორის უცოდინარი.

მიდრამი მოგვითხრობს რაბი იოხანანისა და უბრალო მწყემსის ისტორიას. მათ გზად შობრინში უნდა გაველოთ, სადაც ცხოვრობდ-

ნენ „კუტი“ (სამართიანელები). ისინი ისრაელის მიწაზე მოხდნენ ისრაელის ათი ტომის განდევნის შემდეგ ასირიის მეფის განკარგულებით. მათ კერპთაყვანისმცემლური ტაძარი აქვთ მთაზე გრიზიმ. ჰკითხეს ებრაელებს სამართიანელებმა: „რად მიემგზავრებით იერუსალიმში, შეგიძლიათ ილოცოთ ჩვენს წმინდა მთაზე, რომელიც წარლენაც კი არ შეხება. და ამას ჩვენ ვსწავლობთ წიგნიდან

„იხისკიელი“ (22:24) – „შენ ხარ მიწა, რომელიც არ განწმენდილა მცხოვრებთა ცოდვებისაგან, წვიმა არ წამოვა გააჩენის რისხვის დღეს.“ გემარაში „ზვახიმ“ 113 არის ამ ფასუქის შესახებ კამათი, მაგრამ იმ ბრძენის ნათქვამის მიხედვითაც, რომელიც ფიქრობს, რომ ისრაელის მიწა წარლენას გადაურჩა, ის სხვა ქვეყნების წყლით დაიფარა.

„მაგრამ, თუ ასე იყო, რატომ აშენებდა ნოახი კილობანს?“ –

კითხულობს რაბი იონათანი – „მთაზე ასულიყო.“ „ეს ნოახის გამოცდა იყო“ – უპასუხა სამართიანელებმა. რაბი იონათანმა პასუხი ვერ მონახა. მაშინ საუბარში მწყემსი ჩაერთო: „გრიზიმის მთა ცის ქვეშ დგას, თორაში ხომ წერია – წყალმა ხომ აიწია და დაფარა ყველა მთა ამ ცის ქვეშეთში.“ მაშინ რაბი იონათანი ჩამოვიდა სახედრიდან, დასვა მასზე მწყემსი, თავად კი ფეხით გაყვა მას.

PUBLIC RELATIONS & MEDIA DEPARTMENT

Euro-Asian Jewish Congress (EAJC)

Евро-Азиатский Еврейский Конгресс (ЕАЕК)

ДЕПАРТАМЕНТ ПО СВЯЗЯМ С ОБЩЕСТВЕННОСТЬЮ И СМИ

## ახალგაზრდული სემინარი

30 მაისიდან 1 ივნისამდე პროფილაქტიკუს „უქტუსში“, სვერდლოვსკის ოლქის ებრაული კულტურულ-ნაციონალური ავტონომიის პრეზიდენტმა მიხაილ ომტრახსმა, ეკატერინბურგში ევრო-აზიის ებრაული კონგრესის ხელმძღვანელობით, ჩაატარა მორიგი ახალგაზრდული სემინარი „ისრაელის 60-წლიანი სახელმწიფო“.

აქტივიზაციის ღონისძიებების როლი საინფორმაციო ომის წინააღმდეგ, რომელიც მიმდინარეობს ისრაელის წინააღმდეგ. მის პროგრამაში შევიდა ლექცია ახალი ისრაელის ისტორიის შესახებ, რომელიც ნაიკითხა იულია გერშტეინმა. ლექცია ლიბანის მეორე ომზე და ხამასის მებრძოლებზე, რომელიც წაკითხული იყო რუსეთის ებრაული სააგენტოს მთავარი წარმომადგენლის აშერომ უილიამ ჰერლომის მიერ

და აგრეთვე, ლექცია, რომელიც მიეძღვნა ისრაელისა და ახლო აღმოსავლეთის კონფლიქტებს, რომელიც წაკითხულ იქნა მიხაილ ომტრახის მიერ. ჩატარებულ იქნა ტრენინგი ებრაელი ახალგაზრდა ლიდერებისა და აქტივისტებისა, რომელიც მიეძღვნა ისრაელის საინფორმაციო ომს და კონფლიქტურ სიტუაციებს. სემინარის მუშაობაში მონაწილეობა მიიღეს ებრაული ორგანიზაციების წარმომადგენლებმა ეკატერინბურგიდან, კამენსკი-ურალის, ნიჟნი ტავლისა და პოლევსკის ოლქიდან. სემინარი ჩატარდა „ჰოლანდიელი ებრაელების ჰუმანიტარული ფონდის“ და „ებრაული ფედერაციის სამხრეთ არიზონაში“, ებრაული ფედერაციის ნაციონალურ-კულტურული ავტონომიისა და ეკატერინბურგის წარმომადგენლების თანხლებით.

## მიხაილ ომტრახის ფოტოგამოფენა

7 ივლისს სვერდლოვსკის ოლქში საერთაშორისო ნაციონალურ ბიბლიოთეკაში გაიხსნა ფოტოგამოფენა, ევრო-აზიის გენერალური ევროპის კონგრესის (EAEC), ებრაული ნაციონალურ-კულტურული ავტონომიის სვერდლოვსკის ოლქში, მიხაილ ომტრახის „ჩემი შეხედულება ისრაელზე“ მიძღვნილი ისრაელის 60 წლისთავისადმი.

ფოტოგამოფენას დამატებული ჰქონდა ნიგნის გამოფენა ისრაელზე სვერდლოვსკის საზოგადოების ფონდიდან ებრაული კულტურა „ატიკვა“.

სოეის გამოფენის გახსნაზე გამოვიდა ბავშვთა ვოკალური ანსამბლი „ატიკვა“, რომელიც დაბრუნდა ყარაგანდიდან, სადაც რუსეთს წარმოადგენდა ფესტივალებზე.

ფოტოგამოფენისა და ნიგნის გაცნობის შემდეგ მიხაილ ომტრახმა საერთაშორისო ბიბლიოთეკას აჩუქა ევრაზიის კონგრესის მიერ გამოცემული ნიგნები.

ფოტოგამოფენა გახსნილი იქნება ზაფხულის ბოლომდე. მის მომზადებასა და გაფორმებაში მონაწილეობა მიიღო სვერდლოვსკის ოლქის საერთაშორისო ბიბლიოთეკამ და ფოლკლორის სახლმა.

პრეზენტაციას ორგანიზებულიყო საერთაშორისო ბიბლიოთეკის მიერ, აგრეთვე სვერდლოვსკის იუდაიკური ასოციაციის, ევრაზიის კონგრესის და სამხრეთ არიზონის ებრაული ფედერაციის მხარდაჭერით.

ეკატერინბურგი

## თამაზ ჯანაშვილის ბახსენება

ტის ცენტრალურ აპარატში და „ანალიტიკელსანყოფში“, სადაც უნიკალური, საიდუმლო, სამხედრო დანიშნულების ხელსაწყოები მზადდებოდა, მთავარი ტექნოლოგის მოვალეობის შესრულება. თანამდებობიდან გამომდინარე თამაზი ამთავრებს ცენტრალური კომიტეტის უმაღლეს პარტიულ სკოლას, საფინანსო და უცხო ენების კურსებს.

ბოლო წლების მანძილზე, გარდაცვალებამდე, თამაზ ჯანაშვილი მუშაობდა სანარმოო-კვლევითი ლაბორატორიის გამგედ ბატონ ილია მოსევილთან, შეზღუდული პასუხისმგებლობის სანარმო „ცენტრში“. აქვე განხორციელდა სადღეისო ფექციო-სასტერილიზაციო სითხე „ჯაფას“ დაპატენტება და სანარმოო დონეზე დამუშავება, რომელიც აკადემიკოსმა ვლადიმერ ფადიურაშვილმა და თამაზ ჯანაშვილმა თეორიულად და ლაბორატორიულად შეიმუშავეს. თამაზ ჯანაშვილი არაერთი გამოგონებისა და რაციონალიზატორული წინადადების ავტორი იყო. მას თითქმის მზად ჰქონდა ნაშრომი სამედიცინო ხარისხის მოსაპოვებლად, მაგრამ უდროოდ გარდაცვალების გამო მას ეს აღარ დასცალდა. როდენ დასაანანია, რომ ბახსენების ეს სიტყვები ეკუთვნის თამაზ ჯანაშვილს — პიროვნებას, რომელიც თავისი ადამიანური თვისებებით, ნიჭითა და ენერჯით კიდევ დიდხანს შესძლებდა ხალხის, ქვეყნის და საყვარელი ოჯახის სამსახურს.

ჯერაც არ გავგენებთ თამაზის უდროოდ გარდაცვალებით გამოწვეული დიდი გულისტკივილი. გვინდა კიდევ ერთხელ ვანუგეშოთ დედა-მამა, მეუღლე, შვილები.

სსოენას კი, რომელიც სამარადისოდ ჩვენთანაა, წლები ვერაფერს დააკლებს და ვერც გაახუნებს.

**ზაირა ღაპარაშვილი**



მეუღლე ზაზა, შვილები გურამიკო და სიმა მეგრელიშვილები იუნყებიან ირმა ოთარის ასული როკეტლიშვილი-მეგრელიშვილის გარდაცვალებას.

ლერა და გურამ მეგრელიშვილები იუნყებიან და უღრმეს მწუხარებას გამოთქამენ რძლის — ირმა როკეტლიშვილი-მეგრელიშვილის გარდაცვალების გამო.

ლიანა, ილიკო მოსიაშვილები თანაგრძობას უცხადებენ ზაზა, ლერა, გურამ მეგრელიშვილებს მეუღლისა და რძლის — ირმა როკეტლიშვილი-მეგრელიშვილის გარდაცვალების გამო.

მერი, რეზო არონაშვილები (არენსი) თანაგრძობას უცხადებენ ზაზა, ლერა, გურამ მეგრელიშვილებს მეუღლისა და რძლის ირმა როკეტლიშვილი-მეგრელიშვილის გარდაცვალების გამო.

ლიანა და დავით ბაზოვები თანაგრძობას უცხადებენ ზაზა (მიხაელ) მეგრელიშვილის მეუღლის — ირმა როკეტლიშვილი-მეგრელიშვილის გარდაცვალების გამო.

ცილა, გურამ, მალხაზ ბათიაშვილები თანაგრძობას უცხადებენ ზაზა და გურამ მეგრელიშვილებს მეუღლისა და რძლის — ირმა როკეტლიშვილი-მეგრელიშვილის გარდაცვალების გამო.

დამფუძნებელი და გამომცემელი:

გურამ ბათიაშვილი, კოტე აბაშიძე

თბილისი, ლეონიძის 11ა, ვახტანგ VI ქ. №30

ტელეფონები: 99.90.96, 77.20.57

რეგისტრირებულია ქ. თბილისის მთაწმინდის რაიონის სასამართლოს მიერ.

რეგისტრაციის № 4/1-921

რედაქტორი გურამ ბათიაშვილი